

Nama:

Kelas:

Baca petikan di bawah ini. Padankan rangkai kata yang berhuruf tebal dengan makna yang betul.

Kanak-kanak di negara ini sungguh bertuah. Hal ini dikatakan demikian kerana mereka dilahirkan di dalam negara yang aman dan merdeka. Oleh itu, mereka tidak **menghadapi sebarang masalah** untuk ke sekolah. Bagaimanakah keadaan kanak-kanak di negara lain?

Kanak-kanak di negara Kemboja tidak dapat bersekolah kerana **kemiskinan**. Sekolah mereka kebanyakannya bangunan kayu yang **sudah uzur** dan **hampir menyembah bumi**. Kanak-kanak di sana pergi ke sekolah tanpa memakai pakaian seragam sekolah. Mereka makan nasi sekali sehari sahaja. Malah, selalunya mereka hanya makan bubur.

Begitu juga dengan nasib kanak-kanak di Afrika. Faktor kemiskinan, ketiadaan pengangkutan awam, dan keadaan fizikal sekolah yang **kurang memuaskan** menyebabkan banyak kanak-kanak di negara itu yang tidak bersekolah. Murid-murid terpaksa duduk di atas tanah. Tandas pula hanyalah sebuah lubang yang digali tanpa dinding mahupun bekalan air. Sebagai akibatnya, penyakit berjangkit seperti taun **mudah menular**.

Seterusnya, kanak-kanak yang berada di negara yang terbabit dalam **kancah peperangan** turut mengalami keciciran. Misalnya, kanak-kanak di Palestin. Kehidupan mereka **sangat sengsara**. Rumah dan sekolah musnah akibat serangan rejim Zionis. Nyawa mereka bagaikan telur di hujung tanduk.

Begitulah malangnya nasib ratusan ribu kanak-kanak di seluruh dunia. Mereka amat dahaga akan ilmu tetapi tidak berdaya untuk memperolehnya. Oleh itu, kita perlulah **bersyukur atas nikmat** yang kita peroleh sekarang. Kita perlulah belajar dengan tekunnya. Mudah-mudahan kita berjaya mencapai impian untuk menjejakkan kaki ke **menara gading** suatu hari nanti.

Rangkai Kata

1 **menghadapi
sebarang
masalah**

2 **kemiskinan**

3 **sudah uzur**

4 **hampir
menyembah
bumi**

5 **kurang
memuaskan**

6 **mudah
menular**

7 **kancah
peperangan**

8 **sangat
sengsara**

9 **bersyukur
atas nikmat**

10 **menara
gading**

Makna

a. dalam sedikit masa lagi akan roboh

b. tidak begitu puas

c. berpuas hati atas kesenangan

d. pusat pengajian tinggi

e. keadaan berlawan atau berkelahi dengan menggunakan angkatan tentera atau senjata

f. sungguh menderita

g. terlalu buruk keadaannya

h. melalui apa-apa kesukaran

i. keadaan di mana seseorang itu tidak mempunyai harta benda atau pendapatan yang mencukupi

j. senang merebak